

貴州政報

no. 26

中華民國九年二月中旬出版

第二十六號

貴州政報

本報費價目

每冊貳幣貳角
每月貳幣陸角
半年貳幣叁元叁角
全年貳幣陸元
本城專送省外郵寄費用一并在內

本報廣告價目

等	第每期全面	每期半面	每期一面四分之一
特等(底頁之面)	叁元		
優等(底頁之裏)	貳元肆角	壹元伍角	玖角
普通(公文之後)	壹元捌角	壹元	陸角
連登三期以上九折三個月以上八折半年以上七折全年面議			

類目

(一)特別通電

本省對於山東問題不認直接交涉電

長沙來電一致進行

(二)政府命令

(三)部咨

(四)軍署公文

(五)本署公文

准免荔波縣薪炭等陋規令

郵差並未與哨兵衝突令

報告大定縣學務令

追加師範添班經費令

孝女胡爲蓮請褒揚令

節婦李張氏請褒揚令

鳳泉區立學校准立案令

遵義女子中學准給補助令

松桃實業學校變通辦法令

蠶種由試驗場購買令

八寨縣育桑情形令

施秉蠶桑管理員裁減工人令

荔波縣栽桑情形令

移留日經費充留美經費令

(六)各機關文牘

緩征滯納金令

單照須蓋局印令

取銷貧民債務所呈

未決犯口糧簡章令

(七)法規

苦工廠管理章程

(八)圖表

(九)批告

省長公署牌示一件

省長公署批五件

黔中道署批二件

警察廳佈告一件

貴陽地檢廳批一件

(十)判牘

貴州高審廳判決周善堂悔婚案

貴陽地審廳判決何壽益重婚案

貴陽地審廳判決唐萬鍾私征商捐案

堂諭

(十一)代佈

(十二)附錄

法律解釋輯要

貴

州

政

報

特別通電

貴州督軍兼省長去電

山東問題勿與日本直接交涉由

北京徐菊人先生靳翼青先生保定曹經略使奉天張巡閱使南京李督軍武昌王督軍江西陳督軍廣東軍政府各總裁參衆院各部長莫督軍李督辦雲南唐總裁武鳴陸總裁南甯譚督軍李省長郴州譚督軍衡州吳師長成都熊督軍楊省長三原于督軍張會辦上海各總分代表和平會全國各界聯合會各省督軍省長各都統各總司令各旅團長各省議會各埠商會各省學生聯合會龍華甯夏護軍使各省報館均鑒山東問題聞日本駐京公使正式通牒與我國直接交涉遯聽之餘曷勝激憤此案提交國際聯盟公判早經特使宣言保留之說美英亦經通過外交當局自應據理力爭退還通牒庶符否簽德

貴

州

政

報

四文合計一年可折收炭錢八千文除給原封錢四千文外只可折收炭錢四千文又每月收桐油十斤青油十斤平均照市價每斤可售錢一百六十文合計一年可折收油錢三十八千四百文除每斤照給官價錢三千文外只可折收油錢三十一千二百文又每年收最低白布一十四疋每疋二丈照市價可售錢八百文合計一年可折收白布錢一十一千二百文又收籽棉一百斤每斤照市價可售錢一百文合計一年可折收錢一十千文除給原封錢四千文外只收籽棉錢六千文又收青麻一十三斤每斤照市價可售錢一百文合計一年可收麻錢一千三百文總計薪炭油布棉麻六頃一年可收錢九十二千一百文照市價以錢一百七十文易廣洋一毫共易獲廣洋五百四十一毫七仙六星查歷任解繳地丁一切伏旅費用既有盈餘又得此項津貼卽如廖前任內雖開征未久而薪炭棉油等項均陸續收支而去知事接征所餘有限且實征實解只此些須陋規等情并請示可否仍准收作縣署賠墊津貼抑或獨

貴

州

政

報

免到廳當以呈悉該縣人民上納薪炭油布棉麻各項實屬從前供官之一種陋規亟應嚴革該縣歷任知事匿征不報雖係賠墊正供津貼縣署用費究屬不合惟征收沿於習慣事屬已往各該知事亦已卸任姑免置議仰卽布告所屬週知所有歷年上納薪炭油布棉麻等項卽自陰歷本年分起一律蠲免并嚴禁書差私收用沛實惠等語指令遵照前去旋據該傳故知事呈覆已遵廳令禁革并抄具布告底稿呈核有案茲奉前因查該楊知事原呈歷遵各項陋規每年計共收錢四百四十九千八百文折合實銀二百九十九元八角六仙六星較傳故知事前報每年可收錢九十二千一百文合廣毫五百四十一毫零之數計增五倍有餘據稱規避掛漏洵屬不誣然本廳既於上年令准革除無論收數多寡均應概行免征今該楊知事又復具呈鈞署請予豁免是否傳故知事雖經呈報布告遵令革除而員役人等仍舊匿征無從懸揣擬請鈞署令飭該楊知事據實呈覆照辦至歷征各該項陋規實屬積弊應請俯准照本

貴

州

政

報

廳前案仍舊禁革以紓民力并領發布告令縣勒石曉諭俾昭鄭重除將傳故知事前呈廳布告底稿照抄呈鑒外所有查明荔波縣油蔴薪炭等項陋規已由廳令准革除緣由理合據文呈覆伏乞鑒核計抄呈荔波縣前呈布告底稿一件等情到署據此查此案既據該前傳故知事呈請并布告有案則此項陋規已經取銷毫無疑義茲據該知事又復呈請取銷前來殊深怪異且查傳故知事呈報每年可收錢九十二千一百文該知事呈報每年共可收錢四百四十九千八百文核閱前後呈報數目計增至五倍有餘究竟是何原因仰即據實呈覆候核至歷征各項陋規實屬積弊亟應立予取銷出示砌石俾衆咸知以垂久遠仍將遵辦情形併案呈報切切此令

計抄發傳故知事前呈布告一張

貴州省長公署訓令

民國九年一月

令桐梓縣知事鄧時霖據郵局函覆郵差在該縣石牛欄與巡夜哨兵衝

貴州政報

突并擬具辦法一案由

案查前據該知事呈報石牛欄巡夜哨兵與郵差衝突擬具辦法請轉知通令一案到署當經指令照准并飭由政務廳函知照辦各在案現據政務廳轉呈郵務管理局來函據稱查本局該路路表石牛欄上下班之鐘點均不在夜間又查該路排單八年十二月二十二日松坎郵差楊洪喜係於是日下午六點到石牛欄板橋郵差楊興亭係於是日上午九鐘到石牛欄均未於是夜三更時經過該處且本局郵差每次均須穿着號衣否則經過各局所必爲呈請處罰由上各點足証此次係屬匪人假冒等情前來查函述一節自可証明并非郵差合行令仰該知事知照轉飭巡哨隊兵嗣後務須認真檢查詳細辨認以免匪人假冒爲害地方切切此令

貴州省長公署訓令

民國九年一月

令大定縣知事張鑑據第三區省視學向義視察該縣學務情形由

貴

州

政

報

案擬第三區省視學向義呈報該縣以匪患甚深注重整頓團務於學款頗有挪移於學務不無妨碍仰該縣從速遵照本署前頒保管地方教育經費辦法尅期報署勿再藐玩干咎各鄉學校每年除向經費局領取額定經費外又各於該處提取義館租穀暨斗捐場捐牙戲廟款不等此種款項若不即行清釐保管以作學校基金誠恐日久弊生挪移滋甚着即飭經費局照前頒辦法造簿詳載以便保管并委勸學員長兼任稽查員并負責任又該縣師範人材甚爲缺乏即城中學校配置課目亦多不合法訓練更不足言仰該縣飭勸學所設法於假中召集各員從事研究俾知現代教育之趨勢以及訓練管理之法免蹈固陋之弊中區區立第一國民學校代任教員李錦章資格不合着即取消講演所意在使教育普及故各處均須派員講演何以該縣僅於城內略事敷衍且於講演之法又不講求致聽者寥寥此後該縣應多派員赴各鄉認真講演除將調查各表存署備案外合行摘錄報告令仰該縣知照并飭轉各機

貴州政報

關及各學校遵照並將辦理情形具報以便派員覆查此令

附摘錄省視學向義報告

縣立第一高小學校暨中區區立第二國民學校該二校併在一處微嫌偏在城南地點不適中兒童就學不便應飭該縣謀適中地點改建或將該區立國民學校分設於適中地點

縣立女子高小國民學校

國民

學校

該校學生程度參差應飭該縣轉飭該校長教員於

教授上加意研究

中區區立第一國民學校

該校規模宏闊校長簡椿齡教管均頗有方惟

教員中諳教授法者甚尠應飭該縣轉飭該校長教員于教授上加意講求或另聘曾研究教育者充當免貽誤學子

南區區立國民學校

該校教室內棹橈縱橫教授時學生或面左面右均

無一定查用書則經書爲多應從嚴取締俾遵章辦理免誤人子弟

貴州政報

貴州省長公署訓令

民國九年一月

令省立師範學校准省議會咨覆議決追加師範添班經費一案由

爲令遵事案查該校增加學級一案前據編造預算書呈送到署業經詳加查核尙無不合除建築設置各費由署籌措發給外所有追加八年度經常預算當即提交省議會審議去後茲准咨覆內稱師範學校追加經費係爲添班之用自應承認以便擴充教育等語前來合行令仰該校即便遵照預算原數造具預算書單呈署以便核定可也此令

貴州省長公署指令

民國九年一月

令安順縣知事唐積福據呈送孝女胡爲蓮事實冊結請褒揚由

呈及各件均悉該孝女胡爲蓮有烈女傳之清稔諳戰國策之遺事北宮女孝使趙稱賢西山日頽報劉苦短孝子不匱古人可爲查其幽靜貞閑歷諸晦盲否塞雖高堂危齒無嗣則手澤誰承而終日歡顏有女則掌珠不啻況乎死生

貴州政報

哀毀竄兆經營雖屬閨媛重於壤子豈獨守身不字明理知書以爲世俗所難鄉里可式者耶既據該縣援照褒揚條例第一條一款詳錄事實出具證明書取具鄰結并照繳註冊費及匯費洋六元五角呈請前來除將所繳各費如數核收外俟大局解決後再行轉咨核獎可也仰卽知照各件並存此令

貴州省長公署指令

民國九年一月

令安順縣知事唐積福據呈送節婦李張氏事實冊結請褒揚由

呈及各件均悉該節婦李張氏品節雙清宗祧獨重以一身肩負孤子以一人承繼五房北堂之教有成西河之慟無暨猶復汪洋祖澤培養孫枝若敖之鬼有歸共姜之誓不朽遐齡屆七十六歲大節垂五十餘年似此芳徽允宜褒獎既據該縣查明造具事實清冊出具證明書並照繳註冊費及匯費洋六元五角呈請前來除將所繳各費如數核收外俟大局解決後再行轉咨核獎可也仰卽知照各件並存此令

貴州省長公署指令

民國九年一月

令鎮遠道尹陳廷棻據轉呈鳳泉縣區立高小學校校章冊圖由呈及校章均悉查該校章所定各節尙無不合自應准予立案惟部章規定凡成立高等小學校原有酌收學費二三元藉資補助之明文該校區立高小國民學費全恃經費局及地方負擔初辦學校以爲鼓舞入學自無不可但以後加班經費必增高自可按部章略收學費二三元以期進步仰卽轉飭該縣知事隨時斟酌地方情形改進辦法務使地方教育日漸發達爲要冊存此令

貴州省長公署指令

民國九年一月

令遵義縣知事呂聲文據呈縣立女子中學校補助費編入預算案內由呈悉該校女子師範補助經費准編入九年度預算案內業經指令在案茲據來呈稱該校辦理頗有成效按之視學報告亦甚覈實殊堪嘉許查女子師範關係于家庭教育學校教育者至鉅黔中初級女子師範僅此一校若不設法

貴

州

政

報

獎進何足以勵後來查該校係屬中學同等之學校茲特於該校補助經費未加入九年度預算案以前准由省議會所增加八年度補助省外中學經費內提出補助以示優遇卽由文到之日起支仰卽轉飭該校長此後辦理校務愈加認真本省長有厚望焉此令

貴州省長公署指令

民國九年一月

令松桃縣知事戴賢書據呈轉甲種實業學校變通辦法條陳由

呈悉據稱該校年來糾紛狀況及辦理爲難各情本省長早經洞見現既外省社會之趨勢內維學校之進行欲俟蠶織兩科畢業後卽停止染織僅辦農蠶兩科而以織科畢業生另組一織布工廠既使學生有職業之生活復應社會日用之需要且需費有限易於觀成兼顧并籌用意甚善自應如呈照准卽由該校稟承該知事妥定辦法辦理仍將辦理情形呈報備查至該校原係縣立自無改歸省立之必要該校長復勇於任事并無不合亦無須另行舉派徒事

貴州政報

更張其有請求省款補助一層現本署對於省內外中小學補助辦法應行改訂俟改訂時再予酌量加入可也仰即轉飭知照此令

貴州省長公署指令

民國九年一月

令鳳泉縣知事趙光詡據呈請核發蠶種下縣并預備蠶室器具由

呈悉該縣桑區葉量較多擬於飼養自製之蠶種外再養蠶種五張事屬可行仰即先期備價派人逕赴省立農事試驗場購取勿庸由署轉發蠶室一節據稱擬借城內陳公祠改修應用預計需工料錢八九十千文飼蠶時任人入觀辦法亦是餘均如擬備案併仰轉令管理員遵照此令

貴州省長公署指令

民國九年一月

令八寨縣知事劉壩據呈報八年育成桑苗及九年進行辦法由

呈悉該縣八年育成桑苗既有四十萬餘株應即分發飭領限期栽齊不得短少所擬九年陰歷五月育苗五十萬株以備十年春季分配之用辦法亦是但

貴州政報

須切實進行俾屆期得有成績可考勿作紙上空談至另飭勸業員以育成之桐茶漆樹各秧分區領種既經呈准定案作爲兼辦他項生產物縣分亦應飭其乘時植定免致誤期切切此令

貴州省長公署指令

月民國九年一

令蠶桑總局據轉呈施秉縣蠶桑管理員遵照縣諭裁減工人各情由呈悉准予備案但桑區工額應以能否足用爲準如有時不敷工作即須由該管理員呈請縣署籌款加僱不得徒省經費致該區諸事稍有廢弛也仰即轉飭知照此令

貴州省長公署指令

民國九年一月

令荔波縣知事楊健據呈報八年栽桑情形及下年應辦事件各情由呈悉該縣現既育成桑秧二十餘萬應即督飭妥爲分配飭栽具報一面照章擬訂處罰規則呈候核准實行俾資催促至九年應辦事件擬於育苗及養蠶

貴州政報

縑絲外並謀推廣綿麻辦法亦是仰卽分案認真辦理以憑派員前往視察藉覘成績併轉管理員知照此令

貴州省長公署指令

民國九年一月

咨駐美公使查照葉紀元赴美留學并令駐日經理員撥款由

爲咨行事案據本省留日福岡高等工業學校學生葉紀元呈請移轉留日補助費留學美國芝加哥懇請發給護照并請轉咨駐美公使查照等情據此查該生遠涉重洋求學異地殊堪嘉許自應照准移轉留日學費以資造就除批准并發給護照外相應咨請

貴公使煩爲查照此咨

駐美公使